

衡湘永清集

戊寅春杪
雪垂題



衡湘泉清集卷之二

同邑李揚華鏡軒編次

彭玉麟



清泉馬智泉太守次女七姑幼聰穎秉庭訓知詩書明
大義賢淑異常女其姑嫁衡陽馮潔卿觀察詰弟松軒
司馬因親聯姍字其姑之子煥孝姑夫婦旋沒煥孝長
而甯馨文采風流亦翩翩佳公子也服闋年廿一女年
十九婚有日矣煥孝忽以瘵卒女聞欲以身殉父母嫻
戚防勸再四許髻髻麻衣歸馮守貞始得不死易服奔

衡湘泉清集

卷二

喪奉主再拜慟幾絕送者塞途不期而會觀者幾千人
淚悉下女隨殯視窆盡哀盡禮嗟嗟名士青山一朝
萬古朱顏綠鬢志凜冰霜可悲可敬蓋女以貞貴夫以
妻重也予老病頽唐退居養病於鄉後進喪不往弔可
也然事關風化不往賀則不可因偕三學教官暨同人
往賀賀而拜拜有不容已於言故作貞女行媿不文不
足表揚貞女之志聊引其端以待彤管有煒者

衡山深而幽湘水淨而綠山幽何足奇水淨何足錄此中
毓秀靈女貞森棫樸馬馮舊朱陳兒女新如玉絲蘿結絲

蘿朱繩牢繫足親友咸歡欣共道媼緣夙公子佳翩翩文
采光離陸諸子與百家昕夕深究讀窈窕正好速佳人尤
賢淑鸞交已定期無何乖鳳卜二豎忽爲災阿郎疾危蹙
修文赴玉樓紅絲命難續噩耗來女家父母心如戮遑措
諸姊兄相視各眙目女已測知之長跪深俯伏哽咽低致
詞女自知薄福雙親爲女心百身莫能贖曾誦柏舟篇毋
使歌黃鵠前聞郎疴沈女已思之熟許女歸始平百苦甘
犢獨否則不求生但求命絕速闔家苦難言悲傷慘骨月
父信女心堅母知女志篤唯唯各相磨女起身反屋脫卻

衡湘泉清集

卷二

二

錦繡襦登輿去恩促血淚入馮門卽易斬衰服父母偕弟
昆奔送多媼族慘日最傷心捧主拜花燭觀者千百人同
聲齊一哭嗟嗟彼美姝至情自有屬誰說古共姜今世睹
難復誰說勁草無扶風有貞木志同金石堅從繩不能曲
心同冰雪清飛塵不能撲鬼神爲之欣天地爲之肅馮郎
主旣成往拜我齋宿古今名教尊難以語流俗重女並重
男庶幾有感觸廣文諸先生名篇燦綺縠黃堂太守賢彤
管揚清馥御史大中丞緣情申奏牘飛騎達

天庭

哀嘉頌

鳳綉旌花從此開榮茂多芬郁門楣從此興昌大愈敦睦
百年雖苦心千秋畱芳躅堅貞有誰同勁節方向物青青
衡山松猗猗湘水竹

王先謙

楚山叢叢雄者衡湘環其下淵且清坤輿磅礴發秀英匪
男獨奇女則貞宛宛弱質蘭蕙青幽閨鳴佩許嫁纓嘉妃
慘折誰使令天播異馥流千齡黃鵠奮頸中夜鳴懷烈寸
抱霜月明溝瀆何算鴻毛輕茹痛待嗣節乃成麻衣入門

衡湘泉清集

卷二

三

悲風迎再拜木主號其靈九疑連天愁雲橫斑竹蕭颯江
雨冥陰氣恍惚交精誠總帳飄轉淒房樞一堂掩泣戚仰
頌萬口嘉歎同一聲女家何所清泉城厥氏曰馬字馮卿
焜孝少尉智泉其父義訓稱母賀夫人送之行有郡太守武君廷珍
敬女名論列上請得

朝旌立命廣文四先生

李君如崑朱君登瀛梁君靖邦覃君繼璋

遠索詠事揚

芳馨大賢同里我老彭

雪琴侍郎

執簡乞書垂典型余爲史官

歌載賡南董直筆生光榮事在光緒元始更後有考者此
其徵

許薩阿

潔莫如玉潔璞玉之潔常蘊結堅莫如金堅渾金之堅無

殘缺玉可碎金可鎔

鎔一作揮

匹夫匹婦空決裂吁嗟兮馬貞

女身已許無二天藍橋杵凶耗矣如來女心悲不語直擬

摩笄從憾未得其所君不見諸葛託後主君臣之倫資良

輔又不見程嬰存趙兒朋友之風高太古有孤可立事已

難無孤可立心更苦未了事非未亡人一綫祀延將誰主

賴有阿父阿母賢百端慰諭善成全麻衣卽當嫁衣著往

送之門素帷舉拜木主兮壘經搶地撫桐棺兮哀號震天

衡湘泉清集

卷二

四

靈其有知幸我牖鬼其餒而誰我憐潔卿廉訪夫之伯慨

然允諾續嫡脈蝦蚶之什賦一章矢願能償任所擇奚須

割鼻毀形容奚須截耳昭心迹母道從茲父道兼蘭質蕙

姿甘冰襲貞女此身長晶瑩貞女此心愈分明義重如山

爲其大立志豈爭綽楔榮耳不聽比翼禽語目不覩連理

枝橫請看清泉之水夜夜印明月清泉之水千秋萬古鑑

我清

楊澍

君初病妾未知咫尺天涯隔水湄君已死妾初覺暗背紅

銜淚雙落渡湘江造君堂抱君神主拜君宗祊妾心今已
死妾身未敢忘爲君撫嗣承君後顯君門戶光湘右從君
地下未爲遲千春香骨同不朽

周先檀

雁自衡陽銜尺素肱臑先浣薔薇露且讀且歎舌爲橋湖
湘淑氣騰寶婺貞媛繫出白眉良智泉太守毓修嫻謝絮
吟風斂才華韋紗盡日嫺章句相攸許字萬石馮待年尚
遲鵲橋渡馮生善病忒臞臄肘後無方叩扁跗長吉瘵勞
嘔心肝相如消渴積癥痼脾合頻愆結縈期爲郎憔悴標

衡湘泉清集

卷二

五

梅誤剪髮一縷默顛天斲以身代冀保護畢竟五絲命莫
續鵬鳴斜庚報凶訃彌留曾無訣別緣鐵聚六州錯難鑄
在生未作比翼禽之死願爲連理樹幾回塵笄欲自殘粉
骨麋軀拚不顧婢媼環伺強慰解潛覓泉臺苦無路低徊
泣向阿耶言乞送兒身壻家住鬢經匍匐亟奔喪憑棺一
痛愁雲溼此身矢作未亡人謹爲立嗣綿繫祚精衛海填
蛟螭驚寡女絲彈鬼神怖招魂時對望夫山我心如石貌
如塑吁嗟世教久凌夷脂韋泆忽不知數長樂眇恥事五
朝履聲橐橐干嗔怒須麋丈夫節猶隕求之中輟更難遇

貞媛皜然獨拔羣不以未嫁渝故步鴛鴦夙締盟豈寒鸞
鏡孤飛志無斃嫦娥修月難再圓媧皇補天有常度神枯
古井水無瀾茹蘖彌躡操彌固叔葉得此允可風形史挾
張徽音布我從塞外緬芳型盾墨偶暇毫抽兔寄語乃父
且破顏綽檝絕勝門楣裕霍嶽佳木挺女貞側身南望增
延儻

陳鍾英

庭階有玉樹枝葉何焜煌椅桐變寒律準擬鳴歸昌誰知
藍田璧洵美竟不雙萋萋女貞木春風化爲霜瀟湘一樹

衡湘泉清集

卷二

六

淚霑我繡羅裳妾心如古井妾身未分明許字同策名大
義安可忘天只能諒人號泣送之行麻衣爲禮服髮髻爲
新妝登堂何所見木主作鸞鳳入門何所執立嗣夫不殤
熒熒鐙一室相對夜未央浩浩風一簾孤燕方來翔茹蘖
甘於齋飲冰溫於湯行路爲咨嗟親串戚感傷可以型鄉
國可以勵貞良司鐸採其風輶軒貢明堂太守上其事緯
楔輝道旁同里爲歌詩不覺言之長艱苦而卓絕與世扶
彝常娟娟一女子乃爭日月光嗟余有弱息其事畧相當

余第三女許字周巖甫少
子婚亡與貞女事畧同 猗歟美彤管庶幾繼芬芳

傅澤鴻

暮雨瀟瀟慘碧梧哀猿別鵠怨羅敷十年已字終成婦九
死猶畱待撫孤石縱可移心不轉海如能涸口甘瘡祇應
未識生前面難寫張仙入畫圖

衡嶽雲深翠幾重山川靈氣有奇鍾一編貞史增彤管畢
世清操問碧松已分化離無會合莫將慷慨易從容春風
花落黃陵廟新竹應添淚點濃

岳

對年七十七

噫噓苦節筮庖犧湯借孤陰失雨儀曷羨嫺嫺曾舉案莫
衡湘泉清集

卷二

七

如兄弟宴吹篴小馬弓冶推賢嗣司馬門楣誤淑姬壻比
風前摧絳燭老從月下解紅絲瘦生每被雕龍損療疾翻
窮扁鵲醫耗惡封來苔紙訃情真勘透柏舟詩涕洟甘拜
亡姑主盟誓何容阿母移衣著白麻爲吉服歌拋黃絹變
哀辭撫棺不及投房耳歸第休煩送采尸山陟望夫空化
石木名貞女絕連枝媧皇無計天難補杞婦含悲俗自隨
子美末年慚短述閨芳聊作一斑窺

劉高翔

蘭桂鬱秋馨松柏敷冬榮豈不厯霜雪節自安其貞幽人

抱靈慧昭質從天生矢志如皎日歷久無變更卓哉馬氏
女門閥高簪纓在弱識節義堅白以全身

月出明東方吁嗟倭人燎起視長庚星胡爲歟不耀停琴
延圓輝殘缺耿孤照彈作離鸞聲淒絕未成調女言從一
終疇昔得母教悲傷心同歸庶見素衣弔懿行崇

天袞會看紫泥詔

馬氏有賢媛鄂渚播奇烈凜凜猶生氣碧化千年血

謂常文節

公冢婦
馬烈婦

閨秀復挺生堅貞志如鐵不變松柏心難改菖蒲
節勿謂巾幗中芳菲媿前哲由來女媧氏鍊石補天缺

衡湘泉清集

卷二

八

羅承烈

我讀

國朝別裁詩繡州李女制行奇養親不嫁創矩規貞女孝
女身兼之又有區母陳氏撫孤兒未嫁奔喪去不遲區大
夫祇一子遺殤者無後更可悲母來後立門戶持哀翁喜
孫弄含飴清泉馬女許牽絲馮家外弟未結縞破鏡將飛
病莫醫御輪速駕阻難移二三儒林郵筒馳以俟采風倡
和催迴雁峯高下視卑石鼓瀾迴水中坻忠臣烈女道無
歧立孤難者女強爲昔拜船山先生祠閉戶著書作人師

嬰兒子後有如斯未婦而貞曰女宜千首新詩卷玉池太
守錦贖不停披

張道斌

嬋娟天上月三五有盈缺盈少缺常多蟾蜍終守魄 女
蘿附喬木根株各自別喬木有時催女蘿自糾結 淒淒
復淒淒莫教烏夜嘯囑咐同林鳥擇木慎所棲 竹箭尚
有筠松柏尚有心矯矯女貞樹霜雪不能侵

李揚清

士人通經史忠烈輒自命一臨危迫時游移罕守正奇哉

衡湘泉清集

卷二

五

馬氏女靜定天之性自幼許焉生六禮將歸聘焉生本秀
發玉面雪霜映千卷積案前徹夜對鐙檠篤嗜忘其疲唾
紅殞於病馬女潛探知向母窮究竟母強爲飾說即欲自
投弔父母無如何聽女自爲政女卽卸金釵女卽罷粧靚
一葦渡湘江衰絰入馮姓登堂抱神主拜交正春孟哀痛
迫中腸外貌肅誠敬感動旁觀者吞聲盡淚逆予爲馮氏
悲更爲馮氏慶有子黃苕傷有媳柏舟詠閨房柔弱質卻
自風骨勁未登聖賢門潛符聖賢行願揚彤管徽以爲士

人鏡

許景鑿

事不避難志不求易不遇盤根錯節何以別利器椒有馨

蘭有味女壻小字生不同根卻同氣證本中表兄妹一朝蘭萎隨春逝

椒性之辛逾薑桂朱顏綠鬢頓消散冰雪心肝幾淬礪父

母恩深命絲繫不然撒手一去從夫壻何必淒涼柏舟誓

吁嗟乎男兒肝膽生死以臨事通權卒何濟誰與斤斤責

備弱女志不謂弱女如此難能而可貴明大義決大議黃

鵠悲歌等閒事爲宗計爲俗勵白鳳來儀亦時瑞鳳兮鳳

兮精誠至見者聞者皆涕淚扶輿清淑赤嶽鍾奇氣得之

衡湘泉清集

卷二

十

馬與馮奉主成禮死相從不難慷慨難從容青青者松高

高者桐上者天空下者泉重孝女碑女之風望夫石女之

哀女貞樹女之蹤女貞無子寄生叢願爲媧皇鍊石補天

天彌縫而後可券煌煌

天語之褒崇完大節湘水東壽貞珉迴雁峰

秦簧

神交豈必曾傾蓋貞女從來恥二夫死更鍾情悲寡鵠生

慳合卷斷雙鳧佳緣盟訂成金石苦行情甘謝綺襦

聖世卽今

綸綽貞承

恩還待付孤雛

周先梅

可將辱質等閒看子細思量淚不乾
母願有家欣卜鳳兒悲薄命悵離鸞
心非頑石萬難轉根是貞松一任盤
眞箇彼蒼雷意處特鍾清淑媿儒冠

雜然一樣稟坤貞弱質獨能傲月明
桂扶高嶺生來直水落澄潭分外清
作婦誰憐還是女稱君逞恤未呼鄉
芳衷別有千秋志無限幽光芒荷旌

衡湘泉清集

卷二

十一

蕭慰霖

亦既有文定厥祥和鳴卜鳳已鏘鏘
良人雖末三星遇繼嗣猶堪百世昌
綉服臨江偕有母御輪俟著不須郎
兩髦儀特空成憶羸得清名萬古香

要離斷臂竟成名貞女何曾識此情
爲繫月繩宜守義未乾口血敢寒盟
香車在道眞堪敬泉水出山更覺清
黃鵠歌猶非處子奇操尙不數陶嬰

曾傳祝

年九十一

乾坤浩氣得來難况是鵠飛形已單
邈聞清泉有良媛覩

縷令人鼻亦酸之子北平馬燧裔嚴君職得使君冠玉鏡
臺承姑姆聘高門聞說祖馮驩舊嫺新特兩相續桃夭梅
標正情闌不意及笄時節近磨笄倏迫頸能剗鹿車屏卻
輻車挽移蓮執紼步蹒跚阿母尼之言止止爾未尸蘋作
季蘭女云妻道如臣道蛾眉豈獨遜逢千孃不見周沔之
妻朱憲女聞喪卽往畢生歎手憾不曾夫子接病危猶且
拒醫看又不見張若瓊字中表沈婚前禱忽被凋殘瓊赴
沈門孤宿老楓林合窆節終完兒今猶是茗華命焉敢輕
身效彩鸞異室願伸同穴志行矣何惜殉夫棺嗚呼世教

衡湘泉清集

卷二

十一

頽唐久鱗兒還欠鐵爲肝瑤環瑜珥如斯烈便似遼東管
幼安當路主持風化者允宜特筆啓吟壇老人縱已桑榆
邁悲憫情懷抱一團請援長洲金桂淑爲形血碧與心丹

張景星

男兒重孤忠壯士猶畱太古風女兒重貞節心肝誰作瑤
池雪馬女性情最幽閒詩書深諳姆教嫺髻齡許爲馮家
婦鳳侶鴛鴦絕人寰桃夭待咏春先歸凶訃傳聞淚沾衣
仰天號泣身欲碎粉字慘書荀女扉阿耶勸歌黃鶴句抱
憾含哀出繡幃仗義奔喪迢迢路湘江水寒柏舟渡入門

降輿心更傷看到桐棺拜跪忙幽冥隔斷因緣在木主斜
倚九迴腸嫁時衣裳都易素矢志彌堅心彌固在天願作
高飛鳥在地願成相思樹熱血一腔鬼神愁淒風苦雨情
誰訴吁嗟乎委贄始爲臣廟見斯爲婦貞女緣未終貞心
持不負人生解識冰雪操青天可問首可搔虬鬚蛾眉情
一樣願將辛苦勸同胞

千秋端重冰霜節貞靜幽閒馬女列不終爲婦哭夫靈父
母傳知痛欲絕世家望族締良因兩姓心寒淚更切佳期
已卜鸞影分覩者如市心若結奔喪大義寸衷裂野老吞

衡湘泉清集

卷二

十三

聲天何測淑慎其身振綱常哀夫絃奏憑感格性溫玉骨
成人間不染污泥同蓮潔閨幃矢願志彌堅憾未捐軀侶
魚籠巾幘成仁素無缺揄揚自當銘玉碣尋常芳烈漫擬
倫青青草木經挫折吁嗟馮氏許立嗣歷千百載咸佩說
我今作歌筆難傳欲表貞女待明哲

熊起渭

許字無殊侍櫛巾稱名定分見彝倫號田豈必生身母恥
粟須知未宦臣解向金閨完大節何嘗綺歲誤芳春殷勤
寄語鬚眉客漫詡通方任楚秦

空憶慈幃愛獨鍾曾聞夫婿足乘龍與君未覩生時面教
妾難親夢裏容志擬清湘無濁浪身如峻嶽聳孤峯他年
願化女貞樹種傍青青馬鬣封

蔣得湘

昏義由來重委禽問名何必定調琴地維永立原於氣志
士狗生總在心成禮休嫌憑木主堅冰况又嗣徽音無雄
雌豈能完卵有徑苔原未異岑元氣太和全在握波瀾古
井詎煩吟莫疑怨思多名貴萬古綱常一女任

馬松觀

衡湘泉清集

卷二

十四

清泉廣文貽瑤箋箋署清泉馬貞女泚泚椽筆徧徵詞謂
予昆季言難圉嗟予諛既重宗家愴懷更在女也父爲賦
女貞感舊遊欲言未言涕先雨憶昔先兄秉鐸年子時從
遊衡之浦峩峩智泉人海望愛我偏能忘爾汝半載光風
霽月中粲花屑屑閒揮塵有時導我訪金蘭有時招我尋
幽墅轉瞬秋風返里門驪駒一曲羅雕俎座中記得有馮
郎年少青衫神栩栩云是東牀坦腹兒早向君家訂鴛侶
桃夭之子待于歸玉潤冰清齊譽處一別怱怱換物華回
雁峰前幾延伫萬里罡風驀地來中有賈鵬雙雙舞我慟

常華殞一枝君失冢子淚千縷衡雲湘水豈天涯兩情未
得挑鐙斂何期前度眼中人甥館驚傳雁二豎納采夫君
赴玉樓蘭房慘入蓮心苦老翁那不衷如煎貞女自知身
已許從容去詠柏舟篇想見悲嘯過江潞麻衣如雪嫁時
妝撫棺一慟面成土經經此念石難堅悠悠此憾天難補
從來此事俗所稀從來此行賢所與然而父母愛女心一
邱之貉無今古生女但願女有家相攸幾次歌孔武眼看
采鳳和鳴鏘猶計久遠祝多祐一朝絳幔斷牽絲鏡檻淒
涼胸暗拊紅顏重付阿耶愁黃壤難憐孀婦踽自非淑媛

衡湘泉清集

卷二

十五

秉義方闔內誰知重夫主吁嗟貞女鐵中錚覩破百年一
炊黍百年瞬息事非艱羽翼綱常功乃鉅試看柳絮擅才
華便是文姬終草腐獨有乾坤正氣尊釵裙仗爾中流柱
此日陰成鵠寡悲他年尙得螟孤撫况聞奇節勵青閨行
見

綸音來

紫簪掌上明珠萬代珍彤史流芬當鐘虞舉世浮沈鮮自
持女兮女兮得其所不負當年教女思高堂奚用愁牽緒
縱有餘哀洗不清從此加餐力應努朗州才子工揄揚紀

寶歌儕拾遺杜迢迢雁影過蝸廬屬播貞風忘我寔我聞
其事心欽欽覆誦瓊篇花燦吐擬操不律效施蹟鱗雜米
鹽何足數聊提往事說從頭不成報章慚覲縷微顯闡幽
吾未能驅掃煩憂或可取願將轉寄智泉翁道是湘南野
人語

蕭濟霖

魚曾比目拆堪傷樹已連枝斷亦愴况復拜交憑木主那
當花燭卽空房彌天甘語終難奪恁地苦情自願嘗爲女
不如爲婦好拌身穿套素衣裳

衡湘泉清集

卷二

六

嚼雪餐毳礪女貞陰陽炭裡煉精誠山爲志氣高千古鐵
打心腸鑄此生同穴誓勝同枕苦出山泉是在山清凌寒
大節天難挫耿耿遙爭日月明

楊梧

兩姓接朱陳因親又締姻未偕鳴鳳侶獨作跨鸞人一豎
胸中禍三生石上因梅寒霜冷候公子謝紅塵

女知公子死驀地已吞聲噩耗傳三日哀音遍一城堅心
盟白水矢志履冰清閱盡人間苦艱難是守貞
父母私相屬心明已十分甘爲老嫠婦不背小郎君豔麗

花間露浮華嶺上雲所爭名與節身後可傳聞
願作馮門婦扶靈拜祖先濁醪酬地下血淚灑幃前執紼
人俱泣臨墳獨自憐此生甘命薄旌節待他年

文 釗

人生惟德堪不朽况復貞操播眾口何圖弱質矢靡他抗
節偏足空前後清泉有女氏扶風乃父智泉今太守夙嫻
姆訓毓深閨德音容功馳譽久因姑擇配傍姑身許字馮
郎訂嘉耦一紙剛傳合卺期二豎竟厄回生手無端凶耗
隔江來慘聞夫壻已不壽從一而終義莫違絮語喃喃訴

衡湘臬清集

卷二

七

阿母見廟雖云禮未成此身誓作馮家婦母憐其志擇吉
行匍匐夫靈三奠酒潔卿廉訪慰苦辛爲言螟蛉子必有
一時懿行噪鄉城長調短詠代宣剖我昔衡郡兩載遊叨
與太守爲好友側耳高風太息難可欽可佩等瓊玖嗟彼
薄俗翻覆多鬚眉反貽巾幗醜他年當道采輶軒卓哉此
女應稱首

高慶濤

慷慨赴死易從容就義難瀟湘馬貞女大節何安安受禽
男子馮才貌震江東造物何忌刻金閨賦離鴻髮經臨其

棺天地兩悲酸奉主行嘉禮烏雀都失歡芙蓉減顏色蝴蝶不成團潮落江聲咽林昏空憶鸞哀哉冰雪心騷客難爲吟援琴誦一曲聊續柏舟音

伍人吉

蒸湘鬱瑰奇衡霍鍾靈異卓哉馬貞女川嶽得正氣自昔締婚初門第恰相對因親復及親馮生亦快婿天桃歸尙遲標梅期未至無奈夫婿何二豎旋作祟膏肓病已深攻達兩不易忽聞噩耗來憾不以身替黃鵠悲早寡海石銜精衛摩笄且呼天有死原無二強抑憾難平乃父諄諄誨衡湘泉清集

卷二

六

不爲慷慨死且就從容義阿母往送門從一始見志麻衣白如雪急奉夫主位未爲生夫妻慘得死夫配夫婦禮既成立嗣後乃繼精忠烈士儔勁節孤松厲在山泉本清醜然澄大地太璞獨自完身比荆山貴

聖代重貞操綽楔榮靡旣

彭成玉

青青女貞木畱待鴛鴦棲驚颺動地來吹折連理枝妾本大家子生小嫻禮儀深慚柳絮才頗讀柏舟詩父母掌中珠不肯輕結縞夫子多合德總角便岐嶷日月如跳丸忽

忽年及笄斗帳垂流蘇腰襦生光輝物物妾手製以待百
兩歸詎意鬼伯催不得遂恩私人生重大義敢爲蒲葦絲
妾當作磐石以報地下知父母謂貞女汝志誠則奇努力
愛千古合名將予貽雞鳴起待旦膏沐無所施素車卽寶
馬衰絰爲嫁衣入門拜桐棺淚落如梗糜是時天正晴愁
雲忽慘飛媧皇誇鍊石莫由補其虧風雨青鐙夜淒涼攀
孤帷生未識顏色魂來知是誰終身一朝決荼蘼甘於飴
譬如古井水何自生瀾漪凜凜冰霜操足以愧鬚眉

賀 淇

衡湖泉清集

卷二

九

馬貞女者清泉馬智泉太守之女也許衡陽馮煥孝嫁
有日矣煥孝死貞女憫其無後欲奔其喪卽以之代其
終其父慮其質弱而無所天或以一時悲憤未必其志
之堅而果能卒也是以故難之以闕其堅忍之誠與否
也貞女於是期以必死其父遂期其所善諸生相與而
集議之或曰禮女未廟見而死歸葬女氏之黨示未成
婦也夫旣嫁而未廟見猶未成婦况未嫁乎不可且夫
婦之義猶之君臣道以合之恩以結之非天屬以禮屬
者也故仕未受祿尙無責守况未委贄立朝又何職之

可盡而何事之可死或曰禮娶妻以日月告君齋戒告廟爲酒食召鄰友而告之所以厚男女之別也先配而後祖是不爲夫婦今無是三者則妻道未成而爲夫代其終是踰男女之閑而毀夫婦之別也不可且寡婦猶無夫田之受以遺秉滯穗爲利是聖王不貴苟難所以蕃民之育也況未成婦乎或曰禮非受幣不交不親納徵以束帛儷皮是受幣矣可以交矣可以親矣況有吉日乎有吉日而女死壻齊衰而弔夫死亦如之則壻死而女斬衰明矣既交矣既親矣既服斬衰矣方之委贄

衡湘泉清集

卷二

二十

立朝何不可之有爲夫代終於禮固宜議不能決時武陵覃蓉生先生司教清泉智泉遂邀諸生集於其堂求先生而折其衷焉先生曰處事之常人知之矣至遇其變則不得不濟以權夫權不列於典非聖人不貴其難蓋不以難責人以非中人之所能也未廟見而反葬於母者不責難也使寡婦以遺秉滯穗爲生者所以觀其難而彰其志也不然文王仁政何以先施於此厚別之義亦非此之謂不然童子無賦役之徵而汪錡戰死於卽是越職而出位也何以孔子嘉其能執干戈以衛社

稷而不欲以殤禮加之也女子未嫁而夫死爲夫終其
所未終其亦童子之執干戈歟故

朝廷有直省題奏未嫁之女能爲夫事父母而求後於
宗族者必

旌其門閭而律無禁嫁之條此所謂先聖

後聖其揆一也馬女此舉其可與權矣今日之事馮氏
爲政智泉其謀於馮氏也可煥孝伯父潔卿廉訪悲其
衷之苦也許之清泉爲衡州附郭縣故最有四學師弟
子皆高其義於是作詩以美之薦紳先生與夫能言之

衡湘泉清集

卷二

三

士亦皆有詠焉洪非其選也以夙與智泉善且因覃先
生命爰作是詩煥孝字少張貌魁奇能文章其師賀赤
軒吾友也嘗爲予言教授二十年得一人而殤焉則聲
咽不能出歎歎者久之詩曰

嗷嗷孤雁嗷嗷達旦載飛載鳴誰爲我唁自矢故雄聲歎
腸斷彼自偶居繞羣啣啣中夜哀鳴摧身自賊喉盡血繼
求死不得豈無牡求非我儀特蠢茲羽蟲猶知一德於物
實靈能不自克皜皜馬女古訓是式秩秩其行權禮之意
既踐其形可儀可則足不踰柵言不見齒舉子泣血匪難

之紀心枯神昌形癯道腴田作東海高岸沮洳十二萬年
此心不踰戰戰栗栗日甚一日

羅家泰

忠臣與烈女所事原不二道惟從一終準情非矯異噫嘻
馬氏女守貞性獨摯馮生少牽絲詎期貞不字于歸會有
期百兩禮未備鏡破鸞忽飛哀絰成婦事始激後從容宗
親爲立嗣惇惇蒼菴心渺渺幽蘭思朗澈蒸湘底在山泉
水志豈惟巾幗師鬚眉鮮不媿

王萬炳

衡湘臬清集

卷二

三

馬智泉太守之女許字馮松軒司馬之子煥孝煥孝繼
母太守妹也慈撫稱賢蚤卒司馬繼卒煥擅才譽嬰瘵
疾女聞之憂形於色訃至誓不改字決志奔喪太守商
之煥伯父潔卿廉訪以禮迎奉木主廟見時郡尊武公
聞而嘉獎屬學官徵詩上其事中丞王公奏請
旌表余有孤姪以瘵夭聘女曾氏矢貞來嬪奉節姑立
嗣苦守十餘年矣門人文聚奎作宰江右達之中丞劉
公劉公咨湘撫請

旌事與馬貞女同感而有作

吁嗟余伯兄績學蚤摧折嫂氏廿餘齡茹荼矢冰雪孤雛
已長成攜讀侍我側文章命又憎玉樹旋殞矢受幣曾家
女貽耗輒泣血夢中與之盟來奉姑之節贏負苦鞠育艱
貞恆肅颯江楚兩開府會咨承光烈咄哉道義根多在閨
中發爰有馬貞女聞之神凜冽慧質秉名門詩禮夙嫻習
兩大良相耦朱陳好屢結馮郎卓越才懼彼天之阨嬰瘵
不可起貞女心鬱鬱訃音湘上來摩笄死已決耶孀遂其
志大義加愛惜登門叩桐棺廟見殊淒絕郡伯驚且喜儒
臣抒大筆中丞達

衡湘泉清集

卷二

三

帝閭

旌褒震寰域似此標名教士夫增慙慙惟昔有異議謬謂
行過激經義昭昭然微言弗悟徹在易之歸妹承筐女無
實我儀賦柏舟共姜時處室禮云女趨喪夫死斬衰入春
秋美伯姬守義踰常格夷齊起頑懦千秋光日月汪躋執
干戈勿殤聖所惻末流尙權宜大閑幾潰裂君子反其經
狗苟庶或息嗟我門祚薄幸此差堪說馬女貞而芳相應
如一轍感此傷我心欲吟且嗚咽勉逐羣彥未質言冀采

摘

左慶年

無波古井泉清見影手拍銀闌汲泉斷綆
綆斷難續泉清不濁誓存夫祀中原采菽
一水渺渺寸心悠悠井邊泉石照影千秋

蔣鎮藩

湘東馮氏有奇節湘南馬家之貞女幽棲湘皋湘水清盈
盈淚寒瀟湘雨貞女姑丈貞女舅貞女姑章貞女姑馮馬
兩世婚姻續外兄馮郎貞女夫未定婚日常往來兩小兒
戲初無猜舅氏愛甥期館甥文定厥祥介以媒一自當年

衡湘泉清集

卷二

二

締鴛盟馮郎哀痛變登生父繼母亡祖慈死七年墨經已
三更眼淚噓枯繼以血貞女聞知心惻惻發於衷情止於
義當人強笑暗嗚咽伯舅西從大漠歸又驚月冷伯姑唯
郎哭伯母猶喪母精神慘澹顏色摧揀取殘年親迎期未
經莫鴈郎支離新正三日成永訣訃到閨中腸寸裂齊衰
往弔不自由祇將兩淚對父流父曰守貞遂汝志我偕汝
往一面謀臨郎喪持郎服不見郎容見郎木哭哀哀淚漣
漣扶郎櫬上丁家山煥孝余表姪也葬江東岸丁家山淚濺山花化杜宇
淚灑山竹成珠斑山靈好護穴旁土畱待他年葬貞女

陳嘉言

嚴霜凋物華勁節知松柏風餐雪虐不可搖惟有堅心貫
金石程嬰撫孤杵白死託命捐軀竟誰苦筭菜未奠身未
明妾心已同古井水如今人心日已非蘇武生存妻出帷
墳土未乾盟誓改吁嗟此輩生何爲不見馮家節婦馬貞
女一片丹誠足千古

向貞綸

衡嶽矜峻節萬仞仰欽巖湘水自言清徹底數泚坻山水
多靈秀靈秀鍾毓誰皎皎馬氏女磐石心不移石中蘊美

衡湘泉清集

卷二

三五

玉玉美無瑕疵出山泉水濁在山揚清漪十五年方筭十
六十七時人笑女無聲人狂女若癡十年貞乃守紅葉溝
水涓舊姻成新特姑姪親不疑雖則親不疑其如數實奇
一旦才人病命宮坐蝎螭腰圍三尺瘦心肝一嘔垂一朝
風燭斷萬古塵埃爲馬女閨中啼愁雲黯朝曦柔腸九轉
斷九轉含辛悲高城忽然崩高臺忽然歛阿母爲制服送
女守靈帷靈帷一號絕魂魄幾欲隨憾不魂魄隨淚雨江
東馳姑姑來看女女軀一痛羸鄰嫗來勸女女憂終身懼
感動旁人意一尺垂涕洟慨然立爲嗣立嗣俾承基栽我

賢太守二三木鐸司輜軒采風化風化美如斯幽蘭香萬
古相贈復何持

蕭崇圭

未字重其貞既字重其節孰是節與貞兩字無一缺亭亭
智泉女卓爾閨中傑少小配馮郎馮郎才獨別背負古錦
囊苦吟功不輟詎料賦詩多勞瘵成兀跪奠雁將有期玉
樓先永訣訃音馳馬門馬女幾奮絕絕時復又蘇泣向阿
孃說兒已許馮郎無事改其轍生前雖異室沒後當同穴
命舟徑渡河河流助嗚咽直登馮氏堂禮仍花燭設下拜

衡湘泉清集

卷二

二六

木主前痛把同心結同心甫結成錦衣更墨經百歲偕老
情谿作肝腸鐵奇哉馬氏女定見何明决苦節本堅貞性
擬泉尤冽嗚呼紛華場轉瞬鴻印雪彤管揚清徽功名誰
與列之子血滿腔勝人惟其熱河嶽幸鍾毓古道照英烈

趙炳

堅松勁節苦難移夢繞夫山血淚垂髮擁何堪歌奠雁笄
磨無復效烹雌心肝化作貞姬石姓字長畱孝女碑知是
聰明冰雪淨芳風早已愧鬚眉

曾廣溥

客從蒸水至極口道貞珉予乞詳顛末聽之實苦辛女家
宗絳帳韶秀不慚倫大樹將軍府髻齡早締媼無何天靡
相木報郎榆神麒麟突聞訃黛眉幾度顰踉蹌往持服痛
哭鮮甲親夫君有阿伯勸言汝且踈我將立良止餒而當
勿瞋毋庸徒自苦株守作松筠女聞歛衽拜曰儂命實屯
紅娘暨綠郎禍崇決相因壻是蜉蝣羽子亦木槿身定拚
隨虐士大暮應惟均畫荻丸熊職漫勞漆室人嗟嗟生可
舍難者時未嬪良媛烈若是芳踪疇比鄰憶昔縻氏子聘
許王文珍樓送夫喪畢旋同赴窆窀準茲方彼美允皆名

衡湘泉清集

卷二

七

不湮

丁鶴年

君不見在天爲日月在地爲冰雪貞女處其中與之共光
潔女貞木上孤鸞飛罡風呵噉將焉歸郎病郎亡兩不省
夢魂相見何依稀家人謂女勿傷悼馬氏名姝年正少婦
禮未成婦順明焉蘿他附有誰誚貞女聞之雙淚垂漆室
之守母乃虧所恃妾心如介石不怨妾命如游絲縱使游
絲有時斷將心比石無時移從此鉛華屏弗御一乘柴車
壻家去况復勇亡姑亦亡豈獨傷心連理樹回頭寄語謝

雙親成兒苦志全兒身兒身本是馮家婦兒志甘作未亡
人父兮母兮慘無語願兒撫孤恢令緒允延宗祀伯之慈
眞宰訴天應許吁嗟乎衡嶽蠱蠱生雲煙湘水滌泗清
且連會向此間樹綽楔鬼神呵護不敢以俄延道旁觀者
三歎息相與想像夫冰雪之在地日月之在天

呂柄堃

衡嶽峯高九千丈洞庭波闊八百里山水精靈何所鍾鍾
出清泉馮馬氏氏父太守曰智泉龔之績兮黃之軌氏母
邦媛賀恭人郝之法兮鍾之禮天地合德涵網縕生氏本

衡湘泉清集

卷二

三

望門楣喜氏有表兄馮少尉文章光芒高杜李海重作誓
山重盟東都南國兩堪儼向使氏入馮君門唐棣之華歌
穠矣挽鹿不減鮑家妻和熊更課柳家子何期訂庚未多
時報道少尉病難起休文體瘦不復肥長吉嘔血不復止
可憐暗地枉焚香蒼天蒼天竟如彼此時猶爲異室人有
情聊遣誰相訾在彼應不哭重泉在此何妨求庶士氏心
偏似古共姜靡慝靡他一般矢兩行血淚滴杜鵑聲聲啼
入馮家裏千呼萬喚棺中人大夢一場不傾耳剩有紙牌
十一字雙手捧持雙膝跪馮家祖妣靈不昧對茲廟見何

忍視欲隨少尉赴北邙空空同穴誰懸祀強畱身作未亡
人子誨螟蛉期穀似如此幽衷如此貞洗盡鉛華去簪珥
髻無三角不聳雲裙雖一圍不拖水堪笑箕帚奉多年一
旦離鸞心不死忍抱琵琶別處彈女中長樂何無恥亦有
勁節對靈魂不過回首枝連理著嫁衣後著麻衣尚難同
氏挂人齒未謀夫面慰天心端合貞名冠女史賢媛德靜
爭千秋烈婦腸剛爭萬紀湘波綠綠無此清嶽雲高高無
此歸逼真巾幗古鬚眉忠臣孝子難並美

熊懋德

衡湘泉清集

卷二

二元

曠世華宗憶五常秀延閨閻誕共姜雀屏已中剛聯偶鴻
案思齊條痛殤廟見不曾瞻木主房空直許殉檀郎徽音
合向涓涓續焜耀門楣百載香

始平一自相攸從白首馮唐擬繼蹤不料舊媼非菡萏偏
遭佳婿主芙蓉特豚未饋階何代誰雁孤鳴鏡永封悵望
錦車持節燎前光零落憤填膺

蕭榮北

可嘉可敬信可傳巾幗丈夫出少年年少能將道義肩都
由正氣稟坤乾馬氏有女靜且娟幼與大馮鴛帖聯星期

會盼鵲橋填孰意玉樓召赴先女聞不欲命苟延誓死相
從生堪捐大義凜然志貞堅父母不能操其權往拜夫婿
木主前髻髻換卻金花鈿彼行所安由自然觀者胡爲盡
涕漣女子但欲行克全不虞石破聲驚天吁嗟乎一日百
年意不遷此女此心古井泉幽芳清馥逾蘭荃怨瑟合鼓
湘靈絃豈徒女史稱其賢共仰嶽靈降不偏巾幗丈夫出
少年可嘉可敬信可傳

陳融

閨中盛事出湘海幾輩揄揚大筆淋漓非爲門高纔仗節祇

衡湘泉清集

卷二

三

緣夫死不欺心此生正氣鍾天地他日隆名耀古今末俗
頽風能振起還欽

帝室播綸音

娉姪妙齒正盈盈雖結鴛鴦耦未成衛國共姜堪繼志曹
家令女莫齊名風波恁地填銀漢邛壘頻年弔玉京古有
守身原不字廢倫無取北宮嬰

曾廣熙

根株遙附馬賓王派落裙釵巧刺鴛惟憾玉樓徵作者貞
松長此暗衡湘

夫婿門庭望最清齡長偏異老馮平料知鵬集非無意實
爲鸞閨顯此生

輪御三周慘未過訃音接到淚滂沱紅顏命蹇悲天定不
怨冰人悞執柯

迨維視含悔來遲繡幙拋開繫舊絲淚灑琴牀敦晝哭敬
姜知最是前師

黃承煦

君不見亭亭松柏挺奇節樵夫剗刃猶可折礲礲山石介
且剛將軍飲羽有時裂何似貞女一寸心慷慨誓肌堅於

衡湘泉清集

卷二

三

鐵秋風昨夜入空幃吹斷鴛絲停鴛機朝聞少尉嘔心死
泣嗣父母焚嫁衣黃鶻一曲郎應喜淚滴桐棺呼不起自
奉木主拜先靈妾身分明長如此吁嗟人生大節本如斯
丈夫有時媿蛾眉矢忠矢孝豈異情請視清泉貞女行

曾繼烜

忠臣烈女古並稱二君二夫皆所恥真卿逝後文山亡殉
國爰少奇男子何況閨中婉婉身結褵猶未著綦巾陡接
藁砧凶訊至孰與夏侯切耳倫側聞鱣堂諸宗主幽光特
向扶風取錄將貞女列輶軒云卽林氏月汀伍賢哉貞女

事何如家箴早誦伏波書願長辛已字馮佩湘裙待坐七
香車胡乃繾綣司官煇忍把鷓鴣雙翼翦蘭房派作未亡
人要試筠心觀所轉女曰子懷金石堅誓將比目共九泉
詣棺一滴闌干淚號聲奚似似杜鵑阿伯當以負蜃勸穀
子雖立終是怨柏舟詠罷體夫驚之死靡他懷苦願假而
呼婢醒江郎改絃亦何害更張無奈義遵從一熟婚期勿
復候三商我昔嘗過清泉問白眉稔知有餘韻今看白頭
吟不終益覺杞梁妻最近嗟嗟田橫難再生剛常久已欠
分明焉得涼秀風雪裏長將斯美語簪纓

衡湘泉清集

卷二

三

朱應庚

扶桑摧折六鼇死盤石蒲葦長如此清泉女子髮垂眉獨
抱湘雲泣秋水桃李花殘芙蓉開錦江鴛鴦翼碎綺西風
鬼哭青陵臺臺下年年苒苒紫胡弗攬裙弔廬江孤兒一
曲淚不止漆鐙滴斷血淚痕八尺桐棺那可視上指白日
下黃泉鏡中孤鸞長已矣吁嗟乎衡嶽穹窿洞庭深正氣
間鍾奇女子

羅楚熊

已婦懷清世所欽况逢待宇勵冰心憑媒未奠堂前雁銜

石空勞海上禽百兩盈門皆慘景孤帷問婿憾無因劇憐
午夜寒窗裏靜對月明淚染襟

兩姓薦蘿聯舊好一朝鬢經卽新妝入門自此辭爺喚織
字無由寄壻鄉鸞別影難留鏡畔雁孤聲已斷衡陽平安
願祝黃泉客晨夕靈前一瓣香

誰信乾坤正氣伸偏鍾巾幗振彝倫瑟琴虛訂三生約冰
雪曾經百鍊身矢志紅顏高節婦名書青史媿忠臣堪嗤
馮道稱長樂公論難逃是後人

舒昭晉

衡湘泉清集

卷二

三

秋月何皎潔照見湘水清層雲不得掩終古此精瑩空谷
有幽蘭孤芳長自賞生來本素心不與眾草黨我音涉衡
霍目極古江東雜遯千萬戶中有玉玲瓏得天斯全天終
始介於石丈夫且猶夷况乃在中幙琴瑟友向日嗟茲形
影單昔方期同調今已成獨彈素車百兩來夙緣安忍負
檢點嫁時衣長作亡人婦苦雨復淒風百年願長空良人
慳覲面不改從一終世俗尙脂韋誰復高名節靡然隨波
流蒙垢何能雪維茲弱女子毅然志不移持此風百世允
足媿鬢眉綽楔發幽光

聖澤深似海爲表堅貞操聊當輶軒采我讀列女傳弔古
且傷今安得造物者成就一世心

鍾仁浩

惟楚有材今爲烈節義忠貞並卓軼慷慨馳驅勃然興幾
經盤錯復摧折風雲叱咤金石穿浩氣英光不可滅衡嶽
秀出湘水清特爲中興產人傑不獨昂藏數丈夫巾幗直
與鬚眉埒羨居矢志已難能況乎貞女更奇絕承陽馬氏
繼伏波世胄簪纓稱閔閔太守有女甫髫齡幼嫻貞靜安
鳩拙願聯舊好字馮生百年恃此片言決標梅方待賦于

衡湘泉清集

卷二

三四

歸何期郎病竟中輟餌盡參苓疾弗瘳膏肓一豎互爲孽
女聞默默了無言唯有飲泣暗嗚咽苦衷誰喻訴神知願
以身代悲益切試取金錢卜吉凶開鏡驚看圓影缺忽然
惡訃遠飛來擗地哀號腸欲裂胡天不弔促其年身未分
明成示訣誓拌一死報亡人生不同衾死同穴幸賴乃翁
善曲成成始成終全大節往送入門拜祖先木主有靈定
欽悅抱棺一慟不成聲淚盡欲枯繼以血傷心直拍靈牀
問郎胡爲兮忍拋別才人結局竟如斯自嗟薄命尙何說
歸除萬事付東流寂處空閨甘茹蘖爲延夫祀欲撫孤螟

蛤有子懸瓜彪烈女捐軀僅一時此心終古堅如鐵苦節
能貞矢靡他不磷不淄任磨涅媿煞春風桃李香歲寒松
柏傲冰雪君不見共姜守義誓柏舟芳名永垂光石碣又
不見露筋祠宇足千秋彤管旌揚榮綽楔今人同具古人
心後先輝映出一轍潛德幽光恐久湮爰藉文藻工點綴
愧儂素乏筆凌雲景仰徽儀心如結聊補女史所未詳用
寫高風播芳潔

譚兆瀛

衡嶽峯高雲海盪洞庭月滿君山壯正氣彌綸鍾毓奇誕

衡湘泉清集

卷二

三五

降巾幘女鬚眉厥有清泉馬氏女一片冰心玉壺貯乃父
龔黃政績彰乃母郝鍾禮法詳養在深閨珍如璧柳絮才
華蘭蕙質雀屏當日列東廂良緣締結馮家郎從此天長
共地久大家歡呼鴛鴦偶春風桃夭將及時關雎詎作斷
腸詩忽報郎君病不起長吉嘔心血勿止瓣香遙祝月黃
昏香竟無知莫返魂伉儷未偕一朝棄到此如何不垂淚
淚灑桃花一樣紅杜宇聲淒月明中誓切共姜柏舟志靡
慝靡他矢不貳忽忽泣別白頭親麻衣如雪愁煞人一聲
一哭馮家去八鸞百兩今何處素車驂驂馬蕭蕭銀河不

見鵲填橋其室則邇其人遠千呼萬喚不復反蓬鬆兩鬢
觸夫棺琴瑟空存誰與彈庭前珠履三千客一曲離鸞都
蹙額可憐此際慙絲絲銜石精衛總難填幾欲隨君飄然
逝俎豆馨香苦無繼襁負螟蛉續宗祧貞心耿耿干雲霄
衡嶽老女未足儼洞庭湘妃何堪比無情天公若有情豈
教苦節苦一生王槐謝草燕山桂椒衍瓜綿光門第采風
太史輶軒來仁看

紫詰慰鏡臺韓歐無人李杜絕旌表愧非簪花格

歐陽燾

衡湘臬清集

卷二

三

雄雌不相離匹鳥號鴛鴦初生有定耦王睢必並翔人爲
萬物靈伉儷情更長馬氏有次女許字馮家郎當其擇配
日坦腹在東床百年及偕老鳳卜世其昌豈意神爲祟鸞
鏡掩無光三彭未絕去二豎中高旨一朝凶耗至泣血矢
從亡輕塵棲弱草言者大荒唐不見李貞女坐臥樓位傍
不見顧家婦貞孝名並揚開篋讀女史守義同堅強親憐
兒志苦秣馬趣歸裝素車無共挽到家誰俟堂箭筈頭上
插身著麻衣裳昔未成婦禮廟見淚千行負去螟蛉子夫
婿有餘慶生不侍巾櫛死合勵冰霜

寵旌儲待錫千載遠流芳

李子榮

楚山鬱勃而崔巍湘水澄澈而滌洄中有雪霜皚皚之美
質蘭蕙馥馥之清姿得母山水靈氣鍾巾幗獨令燭照長
夜生光暉卓哉馬氏女矢志抑何苦阿耶舊擁五花驄柔
有馴雉河渡虎生女但願作門楣鳴玉佩環嬉繡戶舊嫺
新特字馮郎優曇頃刻變無常草元空羨童烏慧撒瑣竟
惜嬰兒殤夜沈沈兮月白天慘慘兮雲黃猿啾啾兮素鶴
唳貞女聞之已九迴其腸欠伸告父母願爲馮氏婦阿母

衡湘臬清集

卷二

三七

送之門鉛華屏不御靈幃亂竄僦僦鼠憑棺一痛淚如雨
分得紫荆枝爲郎繇墜緒參商難合月難圓滄海可填天
可補我聞巴婦懷清表節操又聞梁媛高行志不搖從一
而終本大義柏舟曾錄古歌謠女未通名未成禮世儒嘗
議紛吹毛靜思其理我知之矣季子默許不敢忘季布一
諾難自已而况結髮訂同心何能靦顏再事他姓子撫孤
瘁力從此始而又不敵卽從泉下死迂迴曲折有如此噫
嘻柔條豔冶兮豈無女貞挺陰森於巖下弱羽翩翾兮豈
無孤雁展迴翔於大野精氣盤鬱揮毫寫似聞字裏清香

惹瑰意琦行自一格願以告世之靡靡模稜者

俞錫祉

化石摩笄氣自森結縞未賦倍堪欽附蘿盟已諧秦晉撤
瑱情逾鼓瑟琴自是松筠能比節獨誇冰雪以爲心徽音
指日揚彤管綽楔流芳播古今

蔣映榮

瑩瑩冰雪作心肝有女如斯甚是難况復少年知大節拚
將薄命挽狂瀾鵲橋未渡星先暗鸞影長空鏡亦寒縱效
倡隨戀木主畢生紅淚幾時乾

衡湘泉清集

卷二

三

知是湖湘間氣鍾能教就義出從容眞忱足使鬚眉媿懿
範長畱巾幗宗不枉鴻文揚盛德旋看

鸞語表芳蹤女貞嘉種云何在翹首城南迴雁峰

李子茂

貞女之質蘅杜芬貞女之體瓊玉潔貞女之心沍堅冰貞
女之性冶古鐵馮馬新特由舊姻馮郎鶴立况不羣何期
元振牽絲後竟作相如抱病身清宵噩夢傳空閨翳幃翠
帳黯無輝未卜釵頭雙鳳集已驚鏡裡孤鸞飛情天缺憾
巨萬古女媧應愧無術補黃雲壓窗打白雨一銜慘綠歌

聲苦緝絲彈斷二十五望夫石與摩笄山煨煨大節炳人
寰合卷同牢未成禮懷清履潔勢尤難幸哉太守成女志
幸哉廉訪爲立嗣他時認取文杏梁四角躩踞黃金字衡
峯截業插雲烟精靈蟠結千百年毓爲傑士輝南天下逮
巾幗負奇秉立志亦復貞且堅吁嗟乎拘文牽義始俗儒
據理爭辨言多迂大開潰決乃不論而以臆見相齟齬我
懷貞女二太息懸知禮亦因人立揮毫爲作貞女詩寄語
俗儒無輕訾

楊文錦

衡湘泉清集

卷二

三元

嗟彼韶齡女心不二臣不親夫面目甘作未亡人
怕讀柏舟詩傷心勵冰雪况不共衾綢百年願同穴
立繼延宗嗣芸蕢待後香深閨完大節彌足振綱常
激烈可捐軀從容且就義詎徒全節名貞心亘天地

曹良駿

一門慈孝本無瑕貞女天生志更嘉梅標雖云求吉士桃
天尙未詠宜家那教卜鳳常諧韻忍聽鳴鴛鴦獨自嗟佳耦
空成千古憾兩行血淚染紅霞

舊姻始得締新姻白壁難回孝士身荻畫他年堪教子羹

調此日莫娛親雲開嶽岫昭貞骨月盪湘波見性真幸值
聖朝旌表重揮毫寫徧玉堂人

文國英

好迷風化渺貞女雅聯芳花欲開連理人甘屬未亡堅持
松共勁似續桂含香此際邀

旌表他年

錫鳳章

一片冰心勁靡他邁柏舟穴同懷皦日輪缺不圓秋苦節
如貞女乖離媿末流我慙無錦句千古共名留

衡湘泉清集

卷二

四

羅修

古來廟見始成嫺恐負香閨無限情昨聞近日馬君女死
生契闊甘辛苦馮君有子志凌雲馬君有女才飛雪兩家
父母聽寒修百世嫺緣長締結綺羅正作嫁衣裳鸞鳳好
求新日月數枝衰柳不勝情一旦天桃忽改色可憐碧鸞
太傷神忍使黃鸝空飲血捲簾不改金石心過門已變鳳
凰琴此意誰憐神處女低頭惟見木主人夜來有夢幾曾
識春去太忽不可尋既已生前許王宙何堪死後負徐君
可惜深閨廢眉黛甘心脫畧無餘態半生貞淑付傳聞兩

重門戶爲光大君不見出嫁之女尙二媒從夫之婦求再
改聞此大節並大名亦可以增天下婦人女子之節概

殷邦惠

靡他柏舟誓傷心烏鵲詩自古重節烈割鼻其奚辭謂已
與之齊恩義不可違至若待字身同穴非敢期雖以婦道
責世俗多游移詎知名分定之死理不疑特無貞固志風
教爲扶持皎皎馬貞女皚然冰雪姿馮氏委禽早不言見
廟遲所天一已失神傷涕漣洏鬢髮明素心堅定已如斯
父母善成志僉曰于歸宜羅襦易髮經含淚擗孤唯木仍

衡湘泉清集

卷二

四

是女貞樹已化相思燕子孤飛日杜鵑啼血時古井波瀾
澄巾幘畱芳規祝融五峯尊清湘湛天池達人與傑士輩
出扶顛危鍾毓及閨閣松操光門楣視我彤管篇肅肅清
風吹會看

朝命旌綽楔蒙

恩施慎終必如始晚節志不衰作詩存激勸敢詡幼婦辭
士患二三德願以勵鬚眉

夏之時

堅於女貞木清於女嬰礎淑於蕙蘭質芳於松柏心胸中

巖然鍊鐵石貞白不受雪霜侵黃鵠歌沈陶嬰死藐茲巾
幘誰知音貞女家住清泉鄉繡戶朱門世華簪十年姆教
笄而字新特偏爲舊姻尋馬融自有如梁婿馮伉長妻早
委禽應是河洲流苻菜關雎一篇樂不淫誰識絲蘿未曾
託竟成薄命天難謀沈腰冬瘦李肝嘔病入膏肓乏神鍼
一旦蕭史獨乘鳳在御未調先斷琴摩笄直欲身同穴此
憾填胸慘抱衾願憑桐棺稱夫婿螺負式穀身獨任阿母
成志送之門鬢經壓箱檢縷金雲愁遠塞禽啼血雨黯寒
階淚滿襟畢竟無瑕昭玉美千秋永奉女史箴向使更張

衡湘泉清集

卷二

四

絃或改大閑未必潰決深而乃風清懷林下履潔不期高
行欽吁嗟英雄喪志多艱難變故不自禁豈意深閨有奇
行門楣照耀垂來今他年綽楔邀
寵錫貴如圭卣寶如琳欽寄節高衡嶽岫澄澈志清湘水
澗

廖步雲

天地有正氣女流全倫理貞勁衡嶽松皎潔清泉水生長
在馬門自幼許馮子桃夭方興詠馮子長已矣閨中驚聞
訃靡他矢之死父兮偕母兮天只諒人只絲衣變衰經素

車過馮氏泣血夫棺前冰心澈骨髓不憾苦孤帷但憾無
續似未亡爲繼承承先繇禋祀志貞同日月望夫石常時
子臣與弟友千秋應鑒此

姜煥緒

君不見衡嶽峩峩鎮南天得其奇氣多不刊君不見馬氏
貞女能秉節正待于歸比翼折甘心願作馮家婦心比冰
清腸鑄鐵父母嘉其志五內暗迸裂兄弟送其行相視聲
嗚咽眼前不見結縵人獨抱幽靈血淚頻雁峰峰嶠湘水
白差堪什一傳其真吁嗟乎志士殺身何嘗苦苦於時艱

衡湘泉清集

卷二

四

無所補吁嗟乎志士就義何嘗難難於定論在蓋棺卓哉
貞女生性特求之人世不多得不多得光家國仁看綽楔
旌門楣姓氏大書復深刻

覃盛麟

年十
四歲

女必廟見始成婦禮教煌煌敢踰矩未昏守貞爲過禮持
論復有歸熙甫嗟予童子又何知此禮未肯盡信古讀史
嘗披隱逸傳遺民高節難悉數卽如金川一門卒硜硜自
守義何取君爲臣綱夫妻綱綱維不折日方午能以至性
回澆風我今仰見馬貞女吾翁若翁萍水遭年來道高心

相許撫摩及我出阿好我時登堂還拜母我年幼弱無嫌
疑笑言直與諸弟伍幽閔貞靜素有然遇變乃能知所處
揚揚顏色雖如常我窺阿姑意良苦身不守貞夫祀斬舍
此一死死猶愈愛而加敬我何心此或良知根性府作歌
樂繼長者後孩提之言快傾吐鐵心石腸有如此不信梅
花能媚嫵

陳暄

男崇忠孝女崇節境到艱時何勇決兩間止氣必有鍾莫
怪女心堅似鐵白眉馬氏敦詩禮秀毓蘭閨無異轍襁結
衡湘泉清集

卷二

四

馮生正少年瀾翻筆底蓮生舌無那東升明素魄一夕紅
暎忽西滅父母含淚女自知苦口千言勿太烈朱門繡戶
綺羅香頓作麻衣皓如雪身願化爲石望夫生不同衾死
同穴吁嗟馮生已短折獨畱女士雄且傑堂上辭親升素
輿生者欲見死者別傷心成禮著衰絰奉匱呼夫淚成血
芝蕤蕙嘆將奈何惟存冰玉長清潔士林看作中天月孤
影千潭咸皎徹女誠女訓今猶存何止大家傳同列心儀
我愧如椽筆彤管揚徽俟明哲

馮韻

春風一何覺春霜一何肅挺然勁節女貞之木卓哉馬氏
女守志貞而淑 一解 女字予從子久結絲蘿矣從子具夙

根穎慧而質美皎如玉樹臨風前共冀飛騰光閭里 二解

桃夭卜吉合昏定期沈疴頓染二豎崇之覆蒼無效和緩

莫醫曇花一現竟隕瓊枝 三解 訃音來不令深閨聞深閨

竟疑猜泣血誓心告父母前兒生命薄罹此凶災願爲馮

氏婦奔喪盡婦哀 四解 阿父阿母聞此語肝腸欲裂心酸

楚曰成兒志兒勿自苦 五解 乃命素車來馮氏宇易以衰

絰淚下如雨以安以侑爲夫成主 六解 吁嗟乎霜雪心松

衡湘泉清集

卷二

望

柏操貞珉嶽嶽光有耀子爲吾族欣予爲從子悼可以振
頽俗可以勵末造芳馥播瀟湘天空月朗照 七解

調寄滿江紅

馬先松

繡閣哀絃悽涼處淚珠應赤方冀幸橋填烏鵲未逢翻隔
遺憾風摧連理木貞心霜染孤芳柏脉孝娥苦節更稀奇
真完璧 湘竹淚添新蹟錦囊賦遺舊澤幸螟蛉有子掌
珠珍惜話到釵鬢持節義凜然人世畱清白待榜花酬報
石麒麟青年客

馬先柄

守貞非吾志謂與節烈殊周孔垂禮極綱常豈永扶未廟
仍返葬矧未成婦夫誤解屯爻文義心遂淪鋪原情道並
行適莫析釐銖一解 清泉有貞女生長城南隅屬予從弟

行夙卜姪從姑姑子隔湘江覆髮同囑于名分一以定迹

闕神自孚二解 臨纓乖鳳羽感愴遑再圖鬢經斯舛弔死

生誓不渝仰違尊章依俯頽式穀劬恃此無波心坐晞絳

河枯河枯有時潤心枯無時腴三解 馮郎甫冠帶濯濯朝

暎美身貴簪笏胄性愜琴書娛文藻希劉謝丹青追癡迂

自矜淑女迷疇言相攸誣錦囊竟歐肝太息聲載途四解

衡湘泉清集

卷二

吳

吾家席清芬蹈義甘醜酬信好逮金圭蕊徽無代無艱貞
實初聞迹異誠則符總幃一揮涕封章動

天衢彰嫩眾易應豈直崇山呼五解 平生景墜緒抗志明

微孤獨行僉所貴敢復匿齊竽輕塵嗟何常百年同黃壚

惟茲榮名末終天光八區不見古貞臣采薇賢莫踰六解

衡湘泉清集卷之二

續增

同邑李揚華鏡軒編次

胡傳釗

立節何如守貞難守且無依身獨安守貞而兼撫孤苦撫
猶有待心偏主綱常極處植綱常馬家生女門楣光女字
馮郎年十九蕙質蘭心世無偶枕經薛史氣昂藏披閱忠
貞時俯首無何薄命賦紅顏天河水隔生波瀾鵲橋中斷
夫婦宿鵲嗔怨血摧心肝飲泣親前意悽惘女聞從一姓
恥兩夫亡女郎未亡人嫁裳請換衰麻往親曰否否爾胡

衡湘泉清集

卷二

四七

然爾身未續情不睜死未願見葬女氏禮經具在遵毋愆
女聞痛欲絕女志誓已決但乞親心諒女心始終難改共
姜節水漿不入淚常吞憾無雙翼飛馮門繫足紅絲將繫
頸身不能往往以魂之死靡他由至性族姻有識交相敬
勸許奔喪全女貞登輿慷慨粧除靚上堂拜舅姑舅姑仿
佛泉下吁捧主對夫子夫子警欬形有無欲延殘喘生何
託欲續墜緒遺無孤遺無孤望叔子生何託依母姊嫻孀
但忍須臾死到門賓客肅冠裳弔者賀者雜悲喜聞之足
可感人心譜播絃歌賴士林有司采實陳

丹宸請旌得

旨躋綸音衡嶽之山何崢嶸衡湘之水何澄清其間數輩
出人傑更毓貞女傳芳名芳名傳世較誰久常變之間視
所守綱常極處植綱常萬古千秋爭不朽

陳大源

烈士不必生烈女不必死一死復何難難在一生耳奇哉
馬淑媛許字馮家子結褵未合婚玉樹摧連理父母不忍
言女心堅自矢辭親登墻門忍泣完婚禮傷心易衰經斷
髮焚簪珥撫棺一長慟千呼不一一起形隨石欲化淚共城

衡湘臬清集

卷二

四六

傾圮生者其如何死者長已矣音容非素習魂夢難虛擬
曠日懸當心照君重泉裏完夫未了志撫嗣承祧爾巾幗
媿鬚眉貞節臻其美永矢柏舟操壹意保終始不見古貞
娥芳徽照青史

馬焯

湘月亦何白湘水亦何潔月照影淒涼水流聲嗚咽狂風
橫江頭黃鵠翼早折閨中聞凶耗女子自貞烈生不能同
室死則願同穴父母轉心傷告戒益懇切赴義固當死守
義亦完節倘得從容就千古名不滅強作未亡人正氣貫

日月心則清似冰志則堅如鐵譬如古井水波瀾已枯竭
譬如在山泉清光何朗澈往送馮氏門門第喜閨闈長跪
木主前麻衣白似雪既成夫婦禮恩愛本髮結未見生夫
面猶葬死夫骨螺贏負螟蛉後嗣定秀發精魂通夢寐何
事傷永訣婦道從一終生死無異說今日
旌表至樹之以綽楔

衡湘泉清集

卷二

四

